

No. B.22011/1/2022-DC(KZL)  
OFFICE OF THE DEPUTY COMMISSIONER  
KHAWZAWL DISTRICT: KHAWZAWL

Khawzawl, 18<sup>th</sup> March, 2025

ORDER

Tunlai hian Khawzawl District huam chhunga Ran vulhtute'n kan ran vulhte khuahkhirh lova khawlai leh huan lo rama chhuahtir mai thin kan tam hle mai a. Ran chhuah hian khawtlang faina, himna, hriselna bakah huan lo ram siamtute'n an thlathar enkawlina leh thlai thar chhuah kawngah nghawng tha lo neiin khawtlang hmasawna leh changkanna daltu a nih theih pialamah khawtlangah inngirngona a chawk chhuak thei a ni.

Chuvangin, kei K. Vanlalhiana, MCS District Magistrate, Khawzawl hian Section 163, Bharatiya Nagarik Suraksha Sanhita (BNSS), 2023 in thunei hna min pek angin a hnuai mi ang hian khapna thupek ka chhuah e:-

- 1) Ran vulhtute'n an ran vulhte tha takin an khuahkhirh tur a ni.
- 2) Mi tumahin midangte tana harsatna siam zawngin leh midangte tana hnawksakin ran an vulh tur a ni lo.
- 3) Ran vulhtute'n khawlaiah leh huan lo ram hmunahte an ran vulhte an chhuah zalen tur a ni lova, khawlaia an chhuahpui dawnin hru emaw chain emaw rinawm takin an hlingin an kai ngei ngei tur a ni a; vantlang huan lo ram bulah an ran vulhte an tlattir a ni pawhin midang huan lo rama thlai fichhe lo turin hru/chain rinawm takin an thlung tur a ni.
- 4) Ran vulhtute'n an ran vulhte zun leh ek khawlaiah an hnutchhiah tur a ni lo.
- 5) Ran khawlai leh mi huan lo ram (Thlai chinna) hmuna chhuakte chu Village Council/Court te'n an man thei ang a. The Mizoram Animal (Control & taxation) Rules, 2016 angin nikhat zelah an chaw man Rs 100/- leh Fine Rs 100/- ran neitute an chawitir thei ang. An ran mante hi a neitute'n an khul chhuak lo a nih chuan ni 7 ral hnuah auction-in (lilam) an tiral thei ang.

He thupek bawhchhetu chu Section 123, Bharatiya Nyaya Sanhita (BNS), 2023 hmangin hrem theih an ni ang. He khapna thupek hian tihdanglam emaw hnuhlet emaw a nih loh chuan, chhuah a nih atanga thla 2 (hnih) chung a huam ang.

He thupek hi vawiin Ni 18<sup>th</sup> March, 2025 hian Magistrate Seal-a nemnghetin hming ka ziah hnan e.



**(K. VANLALTHIANA)**

Deputy Commissioner

Khawzawl District : Khawzawl

Khawzawl, the 18<sup>th</sup> March, 2025

**Memo No.B.22011/1/2022-DC(KZL)**

Copy to:

1. Secretary to the Govt. of Mizoram, AH & Vety Department, Aizawl.
2. All District Magistrates, Mizoram.
3. Superintendent of Police, Khawzawl.
4. District AH & Vety Officer, AH & Vety Dept. Khawzawl District.
5. DIPRO, I & PR Department, Khawzawl District for wide publicity.
6. Officer in-charge, Khawzawl Police Station.
7. All VCPs, Khawzawl District, Tlangau hmanga mahni veng/khua theuha puangzar tûra ngen an ni.



Deputy Commissioner

Khawzawl District: Khawzawl